

GRAD SARAJEVO

Gradsko vijeće

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08), te člana 47. Poslovnika Gradskog vijeća Grada Sarajeva ("Službene novine Kantona Sarajeva", broj 28/09), Gradsko vijeće Grada Sarajeva, na sjednici održanoj 31.01.2018. godine, donijelo je

ODLUKU

O IZBORU ČLANOVA KOMISIJE ZA RAZMATRANJE, OBRADU I ANALIZU PRISTIGLIH PRIJAVA NA JAVNI KONKURS ZA DODJELU STIPENDIJA UČENICIMA SREDNJIH ŠKOLA, PREDSTAVNIKA GRADSKOG VIJEĆA ZA 2017/2018 ŠKOLSKU GODINU

Član 1.

Utvrđuje se prijedlog za članove Komisije Gradskog vijeća koju formira Gradonačelnik, za razmatranje, obradu i analizu pristiglih prijava na javni konkurs za dodjelu stipendija učenicima srednjih škola za 2017/2018 godinu, iz reda gradskih vijećnika i to:

1. Sead Srna
2. Samir Fazlić
3. Edina Gabela
4. Sanela Holjan
5. Srđan Srdić

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajeva".

Broj 01-GV-02-169/18
31. januara 2018. godine

Predsjedavajući
Gradskog vijeća
Dr. Igor Gavrić, s. r.

Na osnovi člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08) i člana 5. Odluke o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajeva", broj 3/17 i 49/17), Gradsko vijeće Grada Sarajeva, na sjednici održanoj 31.01.2018. godine, donijelo je

ODLUKU

O VISINI NOVČANOG IZNOSA "ŠESTOAPRILSKE NAGRADE GRADA SARAJEVA" U 2018. GODINI

Član 1.

Ovom Odlukom utvrđuje se visina novčanog iznosa "Šestoaprilske nagrade Grada Sarajeva" u 2018. godini.

Član 2.

Novčani iznos "Šestoaprilske nagrade Grada Sarajeva" u 2018. godini utvrđuje se u visini od 5.000,00 KM.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajeva".

Broj 01-GV-02-176/18
31. januara 2018. godine

Predsjedavajući
Gradskog vijeća
Dr. Igor Gavrić, s. r.

Na osnovu člana 177. Zakona o prostornom uređenju Kantona Sarajeva ("Službene novine Kantona Sarajeva", broj 24/17 i 1/18), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08 - Prečišćeni tekst), Gradsko vijeće Grada Sarajeva, na sjednici održanoj dana 31.01.2018. godine, donijelo je

ODLUKU

O USVAJANJU IZMJENA I DOPUNA REGULACIONOG PLANA "KOVAČIĆI - CENTAR"

(Skraćeni postupak)

Član 1.

Usvajaju se Izmjene i dopune Regulacionog plana "Kovačići - Centar" (skraćeni postupak), (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

Tekstualno obrazloženje Plana

- Odluku o provođenju Plana

Grafički dio sadrži:

- Urbanizam prezentiran na odgovarajućem broju tematskih karata i to:

- karta 1. - Izvod iz Prostornog plana KS od 2003. do 2023. godine
- karta 2. - Izvod iz Regulacionog plana "Kovačići Centar"
- karta 3. - Ažurna geodetska podloga
- karta 4. - Postojeće stanje, namjena spratnost i bonitet objekata
- karta 5. - Posjedovno stanje
- karta 6. - Odnos prema postojećem građevinskom fondu
- karta 7. - Planirana namjena površina
- karta 8. - Urbanističko rješenje, namjena, spratnost i razmještaj objekata

Član 3.

Plan je urađen za fazu Urbanizma, a za sve ostale faze primjenjuju se Elaborati koji su sastavni dio Regulacionog plana "Kovačići - Centar" ("Službene novine Kantona Sarajeva", broj 34/11).

Član 4.

Po jedan primjerak ovjerenog elaborata nalazi se na stalnom javnom uvidu i čuva se u Gradskoj upravi - Služba za urbano planiranje, investicijske, stambene i komunalne poslove, Općini Novo Sarajevo i Zavodu za planiranje razvoja Kantona Sarajeva.

Član 5.

Ova Odluka stupa na snagu narednog dana od dana objavljivanja u "Službenim novinama Kantona Sarajeva".

Broj 01-GV-02-170/18
31. januara 2018. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 177. Zakona o prostornom uređenju Kantona Sarajeva ("Službene novine Kantona Sarajeva", broj 24/17 i 1/18), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajeva", broj 34/08 - Prečišćeni tekst), Gradsko vijeće Grada Sarajeva, na sjednici održanoj dana 31.01. 2018. godine, donijelo je

ODLUKU

O PROVOĐENJU IZMJENA I DOPUNA REGULACIONOG PLANA "KOVAČIĆI - CENTAR"

(Skraćeni postupak)

Član 1.

Ovom Odlukom utvrđuje se način provođenja Izmjena i dopuna Regulacionog plana "Kovačići-Centar" (skraćeni postupak), (u daljem tekstu: Plan).

Član 2.

Granica obuhvata Plana polazi od tromede parcela k.č. 88/1, 97/1 i 87/1, potom produžava na sjever idući međama parcela k.č. 97/1 i 87/1 (obuhvata ih), potom presijeca parcelu k.č. 87/1 i nastavlja na sjever, te istok idući međama parcela k.č. 87/1, 94, 93/2, 92/2, 92/6, 92/1 (obuhvata ih), potom se lomi na jugozapad idući međom parcele k.č. 3469/1 (ne obuhvata je) i dolazi do mjesta odakle je opis granice Plana i počeo.

Sve gore navedene parcele se nalaze u K.O. Novo Sarajevo II, Općina Novo Sarajevo.

Površina obuhvata Plana iznosi $P=0,34$ ha.

Član 3.

Izmjena i dopuna Plana se odnosi na postojeći objekat Zanatskog centra, koji je spratnosti od P do P+1, u cilju stvaranja planskih preduslova za rekonstrukciju i nadzidivanje dijela objekta, u cilju uspostave galerije iznad poslovnih prostora označenih kao D30 i D31, a u skladu sa sljedećim urbanističko-tehničkim uslovima:

- Maksimalna visinska kota ravnog krova galerije mora biti +6.80 m, odnosno atika ravnog krova mora se dovesti u ravan sa atikom postojećih poslovnih prostora dijela objekta Zanatskog centra koji je visine P1;
- Građevinska linija sprata je 7,90 m x 7.10 m, ukupne BGP 56,10 m

Član 4.

Rekonstrukcija i redizajn ostalih poslovnih prostora Zanatskog centra treba biti u skladu sa uslovima koji su propisani u članu 6. Odluke o provođenju Regulacionog plana "Kovačići - Centar" ("Službene novine Kantona Sarajevo", broj 34/11).

Član 5.

U poslovnom prostoru mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih građevina i sadržaja.

Član 6.

Plan je urađen za fazu Urbanizam, a za sve ostale faze primjenjuju se Elaborati koji su sastavni dio Regulacionog plana "Kovačići - Centar" ("Službene novine Kantona Sarajevo", broj 34/11).

Član 7.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-170-1/18
31. januara 2018. godine
Sarajevo

Predsjedavajući
Gradskog vijeća
Dr. **Igor Gavrić**, s. r.

